



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

OPĆINSKO VIJEĆE TEŠANJ

Predmet: Informacija o realizaciji strateških dokumenata općine Tešanj

Općinsko vijeće Tešanj je na svojoj 6. sjednici, u aprilu (5.4.) 2013. godine usvojilo Strategiju 2018., planski dokument kojim je odredilo smjernice razvoja općine Tešanj do 2018. godine, definišući programe i projekte na kojima je potrebno raditi u narednim godinama

Odlukom je definisano da se operativna odgovornost realizacije prenosi na Općinskog načelnika (određivanje prioriteta i nosioca realizacije) i određuje obaveza godišnjeg informisanja Općinskog vijeća o realizaciji postavljenih ciljeva. Općinsko vijeće je dodatno, svojim Programom rada za 2013. godinu potvrdilo potrebu da se informiše o realizaciji strateških dokumenata općine Tešanj. Shodno tome, ova Informacija. Informacija jednim dijelom obuhvata i realizaciju dijela ranijih strateških dokumenata za ciljeve (projekte i programe koji su definisani na početku 2013-te godine, pa je njihova realizacija zadržana i u 2014.-toj godini).

Metodologija realizacije strateških dokumenata, tj. metodologija strateškog razvoja uopće u općini Tešanj ima vrlo jasnu strukturu po pitanju organizacije i odgovornosti. Krajem jedne i početkom nove kalendarske godine menadžment općine Tešanj (Općinski načelnik i pomoćnici) identifikuju ciljeve u području organizacije (sistem kvaliteta), kao i projekte koji su definisani strateškim dokumentima (na osnovu preduslova za realizaciju, postavljenih rokova, prilika u budžetima javnog sektora i mogućnosti za realizaciju projekta bez troškova općine i dr.). Tom prilikom se osim odabira projekata utvrđuju i menadžeri/nosioci projekata. Nakon toga slijedi zajednički sastanak sa nosiocima projekata kojima se predstavi način rada i njihove obaveze. Nakon toga se izvrši verifikacija kroz zajednički dokument, menadžeri prave svoj plan rada, koji tokom godine realizuju i redovno mjesečno šalju izvještaje. Za svaki od projekata ili programa, postoji opis, razrađen je konkretan plan aktivnosti, sa planiranim rokovima, i postoje mjesečni izvještaji o realizaciji koji su dostavljani Općinskom načelniku.

Na početku 2013. godine identifikovano je ukupno 14 ciljeva (projekata/programa) za realizaciju: 7 iz Strategije razvoja (2007-2015), 2 iz Strategije za dostizanje vizije, 5 iz Strategije podrške mladima i Strategije komunikacije. U nekim slučajevima je riječ o projektima koji su i planirani za višegodišnju realizaciju, a neki od projekata nisu realizovani zbog ograničenosti finansijskih sredstava ili oslanjanja na vanjske izvore za finansiranje. Izvještavanje je mjesečno, a analiza mjesečno, kvartalno ili polugodišnje. Nakon usvajanja Strategije 2018, tokom 2013. godine zadržana je realizacija započetih projekata, ali i uključena realizacija novih programa i projekata, konkretno njih 11. Ovo je, naravno, usložnilo realizaciju praćenje planiranih, ali i obezbijedilo sistemski prelazak na novi strateški dokument. U nastavku je sačinjen kraći pregled koji sadrži samo osnovne informacije o realizaciji planiranih aktivnosti po strateškim dokumentima.

Strategija razvoja (2007-2015)

→ Studija izvodljivosti snabdijevanja pitkom vodom i podizanje kvaliteta pitke vode

Projekat je postavljen kao cilj u Strategiji 2007-2015. Nastavljen je rad na ovom projektu i u 2013. godini. Cio projekat je već davno prevazišao nivo Studije i početnog cilja (formulacija iz Strategija 2007-2013). Naime, u 2012. godini izvršena su istraživanja, kojima je identifikovana mogućnost poboljšanja vodovodnog sistema gradnjom novih probno-eksploatacionih bunara u Jelah polju. Zauzeto stanovište da se ide na konkretne mjere obezbjeđenja dodatnih količina 5+5 l/s pitke vode. Tokom 2012. godine dostavljena su prethodno navedena dva dokumenta i izvršena njihova prezentacija. Opredjeljenje predstavnika općine Tešanj u koordinaciji sa JP RAD bilo je da se ide na izradu Glavnog izvedbenog projekta eksploatacionih bunara PEB-1 i PEB-2.

Tokom 2013. godine nastavljene su aktivnosti na obezbjeđenju potrebne dokumentacije za gradnju bunara, dakle glavni projekti, revizija glavnih projekata, urbanistička saglasnost, početak rješavanja vlasničkih odnosa... Do kraja 2013. godine završen je glavni projekat, izvršena revizija projekta, obezbijeđena urbanistička saglasnost. Kod vlasničkih odnosa utvrđeno je da postoje određeni problemi na PEB 2 koji su pokušani riješiti razgovorom sa općinom Usora. Procijenjena vrijednost radova za bunar PEB 1 je cca. 575.000 KM, za PEB 2 cca. 195.000 KM.

→ **Izrada idejnog projekta izgradnje i rekonstrukcije kanalizacionog sistema (u stvarnosti se radi izvedbeni projekat u 2013. godini novog sistema za cijelu općinu)**

Svrha navedenog cilja je provođenje aktivnosti na zaštiti vodotoka i vodoizvorišta kroz sistemsko rješenje odvodnje i prečišćavanja otpadnih voda na području općine Tešanj.

Izrada projektne dokumentacije (...Glavni/izvedbeni projekat za glavne kolektore kanalizacionog sistema općine Tešanj, idejni projekti za sekundarnu mrežu u urbanim područjima općine, Studija izvodljivosti i Idejno rješenje za centralni uređaj za prečišćavanje tri susjedne općine: Tešanj, Usora i Doboj jug) je nastavak aktivnosti koji slijedi nakon završene revizije Idejnog projekta dijela primarnih kolektora sistema prikupljanja i odvodnje otpadnih voda na području općine Tešanj tokom 2012. godine.

Stepen dostignutog nivoa u realizaciji studijske i projektne dokumentacije nakon dokumenata tokom posljednje 3 godine, nametnuo je kao naredne faze projektovanja izradu Glavnog/izvedbenog projekta dijela primarnih kolektora sistema prikupljanja i odvodnje otpadnih voda na području općine Tešanj (razdijljen u 3 dionice) i Studiju izvodljivosti sa Idejnim rješenjem za centralni uređaj za prečišćavanje otpadnih voda sa područja tri susjedne općine: Tešanj, Usora i Doboj-jug. Početak aktivnosti na cilju br.2 je nastupio završetkom Revizije na izradi Idejnog projekta dijela primarnih kolektora sistema prikupljanja i odvodnje otpadnih voda na području općine Tešanj. Tokom 2013. godine urađene su slijedeće aktivnosti:

- Završen Idejni projekat primarnih kolektora
- Pripremljen projektni zadatak za Glavni/Izvedbeni projekat dijela primarnih kolektora sistema prikupljanja i odvodnje otpadnih voda na području općine Tešanj.
- Izrađen projektni zadatak, provedena nabavka i ugovorena izrada Studije izvodljivosti za projekat izgradnje centralnog uređaja za prečišćavanje otpadnih voda za područje tri susjedne općine: Tešanj, Doboj-jug i Usora (zajedno sa općinama Doboj-jug i Usora, iz sredstava Fonda za okoliš)
- Usaglašen i finaliziran Projektni prijedlog općine Tešanj za EIB (project fishe)
- Obezbijeđena prethodna vodna saglasnost
- Ugovorena Izrada i završen Nacrt Studije Uticaja na okoliš
- Potpisan ugovor o kreditnom zaduženju za realizaciju projekta sitem prikupljanja, odvodnje i prečišćavanja otpadnih voda na području općine Tešanj sa Europskom Investicionom Bankom putem Ministarstva finansija FBiH.
- Potpisan Ugovor za izradu Izvedbenog projekta primarnih kolektora sistema prikupljanja, odvodnje i prečišćavanja na području općine Tešanj

- Izvršene pripreme za rješavanje imovinsko-pravnih odnosa
- Odabran je izvođač idejnog projekta za sekundarnu kanalizacionu mrežu u naseljima Jelah, Tešanj i Bukva
- Odabran najpovoljniji izvođača Studije uticaja na okoliš centralnog uređaja za prečišćavanje otpadnih voda tri susjedne općine Tešanj, Doboj jug i Usora.

→ **Izgradnja zgrade biblioteke**

Tokom cijele godine praćeni javni pozivi kojima bi se mogla obezbijediti sredstva za finansiranje dovršetka radova na izgradnji nove zgrade biblioteke. Posebna aktivnost je bila stalna komunikacija sa Predstavnicima TIKA (Turska uprava za međunarodnu saradnju i razvoj) kod kojih je već ranije prosljeđena aplikacija, prilagođena zahtjevima potencijalnog donatora.

Prema posljednjim, usmenim informacijama, projekat završetka radova na izgradnji nove zgrade biblioteke je upućen u Ankaru u središte TIKE, i očekuje se potvrda za finansiranje i realizacija bi trebala završiti u 2014.-toj godini. Prosljeđeni zahtjev je podrazumijevao učešće TIKA sa oko 510.000 KM, dok bi općina i domaće institucije/ministarstva/fondovi obezbijedili dodatnih 130.000 KM. Projekat podrazumijeva kompletno opremanje objekta i obezbjeđenje potrebnog inventara. Osim realizacije doniranih sredstava biće potrebno u 2014.-toj obezbijediti i nedostajuća sredstva iz domaćih izvora, općinskog i drugih budžeta.

→ **Izrada studije toplifikacije urbanih sredina Tešanj - Jelah – Tešanjka**

Početkom godine usaglašene su planirane aktivnosti te se pristupilo izradi Predstudije toplifikacije. Dokument je završen i kroz njega je analizirana mogućnost upotrebe različitih energenata koji bi mogli biti korišteni, potrebnog konzuma, vrijednost investicije

Osim izrade predstudije uspostavljen je kontakt sa Češkom razvojnom agencijom o mogućnosti korištenja fondova Evropske unije i Češke vlade za finansiranje izrade projektne dokumentacije i gradnju sistema. Podnesena je i jedna projektna prijava/aplikacija kod iste institucije da bi se finansirala potrebna projektna dokumentacija. Do sada nismo primili pismeni odgovor.

Općina Tešanj je sa općinama Usora i Doboj jug, zajedno sa Ministarstvom imala kontakte sa određenim kompanijama iz Mađarske radi mogućnosti istraživanja geotermalnih potencijala i eventualnog korištenja geotermalne energije u sistemu daljinskog grijanja. Početni razgovori su bili usmjereni na omogućenje koncesije putem Vlade i Skupštine ZDK.

→ **Zaštita izvorišta i bunara**

Cilj je podrazumijevao uspostavu mehanizama zaštite i realizaciju aktivnosti na uređenju statusnog pitanja izvorišta, edukaciju aktera u procesu (predstavnici MZ – upravljanje mjesnim vodovodima i nužnost legalizacije) kontrolu kvaliteta vode (poboljšavanje evidencije i nadzora na kvalitetom vode za piće), izradu elaborata te na temelju njih donošenje odluka o zaštiti vodoizvorišta. Provedena je edukacija, te pokrenuti

procesi izrade elaborata i pratećih odluka. Dio aktivnosti se nastavlja i u 2014. godini (zbog neuspjelog procesa javne nabavke u 2013. – malog broja zainteresiranih izvođača).

→ **Vodovodi Raduša, O. Planje, Dž. Planje**

Realizacija projekta je tokom 2013-te godine bila fokusirana na pripremu projekta vodosnabdijevanja područja MZ Raduša. Izrađen je projektni zadatak za glavni projekat, obezbijedena prethodna vodna i urbanistička saglasnost, proveden postupak javne nabavke i ugovorena izrada glavnog projekta. Do trenutka izrade ove Informacije (u 2014. godini) završena je izrada Glavnog projekta i provedena revizija. U realizaciju projekta u 2013. godini utrošeno je cca 40.000 KM. Na vodovodu u O. Planjama

Tekli su planirani radovi za 2013. godinu.

→ **Razvoj ljudskih resursa – kontinuirana edukacija kadrova u Općini i mjesnim zajednicama, javnim ustanovama i preduzećima**

Projekat je podrazumijevao planiranje i provođenje edukacije u organu uprave, mjesnim zajednicama i javnim ustanovama i preduzećima. Na početku godine za organ uprave i MZ-ice donesen je Plan edukacije. Od javnih ustanova i preduzeća je traženo da učine isto, te da informišu općinu o realizaciji plana. Tokom godine je praćena realizacija. Edukacija MZ provedena u obimu 100 %, unutar organa uprave 75%, a ustanove i preduzeća u okviru mogućnosti, što će posebno biti analizirano u Izvještajima za Upravne odbore. Realizacija projekta nije proizvela posebne troškove.

II Strategija za dostizanje vizije

→ **Izgradnja osmatračnica**

Prema planiranim aktivnosti u saradnji sa Lovačkim društvom i Odredom Izviđača Crni vrh izgrađena je jedna osmatračnica u rejonu Crnog vrha. Ugovorom je definisana obaveza održavanja izgrađene osmatračnice od strane Lovačkog društva.

→ **Obnova fonda divljih životinja**

Uključujući aktiviste Lovačkog društva i predstavnika Šumarije izrađena je analiza potrebnih aktivnosti. Do realizacije ukupnog proograma nije došlo zbog finansijskih ograničenja, a jednim dijelom i zbog postojanja obaveze iz upravljanja lovnim područjem.

III Strategija podrške mladima i Strategija komunikacije

→ **Program profesionalne orijentacije**

U okviru projekta izvršena identifikacija (putem anketiranja) potreba tržišta rada radi usklađivanja planova upisa, te izvršeno predstavljanje plana učenicima završenih razreda. Razvojem novog projekta (iz Strategije

2018) Sajam srednjih škola projekat iz ranije strategije dobio je jednu drugu dimenziju i dobio drugi oblik implementacije.

→ **Poboljšanje uslova na postojećim sportskim terenima**

Izvršen je obilazak i evidencija stanja postojećih sportskih terena na prostoru općine sa prijedlogom potrebnih intervencija na održavanju i sanaciji istih. U 2013. godini provedene su planirane aktivnosti. Izvršena sanacija oštećenja i nužne popravke na 23 lokacije širom općine (sportski poligoni i travnati tereni). Izvršena je kontrola i obilazak izvršenih radova.

→ **Zdravstvena edukacija i pregledi**

Isplanirane su i provedene aktivnosti na zdravstvenim pregledima i edukaciji. Sve je provedeno uz saglasnost Pedagoškog zavoda. Provedena je akcija besplatnog mjerenja nivoa GUK-a i krvnog pritiska. Izvršeno 150 mjerenja, pet pacijenata upućeno u SHMP zbog visokog krvnog pritiska, i dva novootkrivena pacijenta sa dijabetesom. Održano edulativno predavanje o zdravim stilovima života. Odštampani anketni obrasci za učenike osnovnih i srednjih škola i prpratni edukativni materijal. Izvršen je sistematski pregled učenika III i IV razreda STŠ (uzorak od 160 učenika). Obavljeno anketiranje o zdravim stilovima života (200 učenika) i provedena kratka edukacija učenika. Održana su i dva edukativna predavanja za učenike srednjih škola o zdravim stilovima života. Urađen završni izvještaj o realizaciji projektnih aktivnosti.

→ **Prevenција savremenih opasnih bolesti mladih**

Sačinjen je program djelovanja, pripremljeni promotivni materijali, usaglašeni nosioci aktivnosti. Obezbijeđena je saglasnost resornog Ministarstva i Zavoda za rad u školama. Sredstva od općine usaglašena odobrena i transferirana. U drugom polugodištu školske 2013/2014 godine provedena aktivnost edukacije u školama na prostoru općine Tešanj.

→ **Planirane aktivnosti iz Komunikacijske strategije**

Pripremljen godišnji plan aktivnosti. Kroz cilj realizirana promocija općine Tešanj, promocija, plaćeno oglašavanje, intervjui, prilozi... Mediji sa kojima je ostvarena saradnja ili kontakt: Radio Tešanj, Antena radio, Smart tv, NTV Amna, TV RA, BM radio, Al Jazeera, TV1, FACE TV, BHT1, Hayat TV, FTV, RTRS, te štampanim medijima: Poslovne novine, ZE-DO EKO, Superinfo, Student, Bussines... Izvršen redizajn web stranice, izrađena i u upotrebu stavljen android aplikacija sa dodatkom za Call centar, pokrenuta zvanična facebook stranica općine.

Strategija 2018

Nakon usvajanja "nove" Strategije u maju su u realizaciju uključeni neki od Programa i projekata, imenovani nosioci aktivnosti, definisani planovi rada te provođene konkretne aktivnosti.

→ **Opremiti poslovne zone infrastrukturnim sadržajima**

Tokom godine pripremljene su projektne aplikacije po dostupnim javnim pozivima te kandidirani projekti za obezbijeđenje finansijske podrške. Konkretno se radilo na slijedećim projektima u poslovnim zonama:

Poslovna zona Glinište - dovršetak rješavanja započetih pitanja imovinsko-pravnih odnosa i kandidatura projekata za finansiranje,

Poslovna zona Ciglana – projektovanja izlaza na saobraćajnicu M4; snimak stanja i pregovori sa Elektrodistribucijom oko načina izmještanja dalekovoda,

Poslovna zona Bukva – kandidatura projekta nastavka gradnje III trake.

Za sve poslovne zone sačinjen je projekat postavljanja informativne saobraćajne signalizacije, koji je u omjeru od 50% tokom 2013. godine i realizivan.

Aktivnostima u 2013. godini obezbijeđene su pretpostavke na osnovu kojih su pripremljene investicije u poslovne zone za 2014. godinu u iznosu od cca 450.000 KM.

→ **Okončati projekte izgradnje vodovodnih sistema**

U okviru Programa praćena realizacija je kandidature, projektovanja i izgradnje infrastrukturnih projekata. Uspješno su ugovoreni svi projekti koji su bili kandidovani za finansiranje iz sredstava vodnih naknada (uprkos činjenici da su od Ministarstva uspostavljena nova pravila rada i ostavljen vrlo kratak rok za provedbu postupka javne nabavke). Najviše pažnje je posvećeno realizaciji projekta izgradnje sistema vodosnabdijevanja u mjesnim zajednicama Trepče i Medakovo.

→ **Deminiranje sumnjivih površina I i II kategorije i njihovu...**

Realizovane planirane godišnje aktivnosti deminiranjem projektnog zadatka Lončari-Podkomin 1, Lončari-Potkomin 2 i 5. Osim toga pripremani drugi projekti i vršena kandidatura i dopuna po istoj kod drugih donatora, Japanske ambasade i drugih. Dio tih aktivnosti doveo je do potpisivanja novih ugovora o donacijama, koje će u 2014. godini iznositi gotovo milion KM.

→ **Kreirati jedinstvenu turističku ponudu (B&B vikend u Tešnju, stećci, prirodne i kulturne destinacije...)**

Dio aktivnosti iz ovog cilja su provedene u okviru Muzeja na identifikaciji i istraživanju nekropola stećaka. Promocija turističke ponude općine Tešanj vršena je na različite načine. Dio aktivnosti smo pokušali realizovati kroz aktivnosti Turističke zajednice ZDK i ureda u Tešnju, međutim nismo uspjeli obezbijediti njihovo potpuno učešće u projektu.

→ **Izrada jedinstvenog općinskog dokumenta u oblasti sporta**

Sačinjen je plan aktivnosti, Situaciona analiza u oblasti sporta, sa posebnim osvrtom na zakonsku regulativu, koja obuhvata osnovne sportske termine prema važećim zakonima koji tretiraju sportsku djelatnost (Zakon o sportu BiH, Zakon o sportu ZDK), pregled postojećeg stanje u oblasti sporta sa pregledom udruženja sa sportskim predznakom na području Općine, općim ciljevima tih organizacija, zastupljenošću žena, djece i invalidnih lica u sportu uopće, te pregled sportske infrastrukture (pregled objekata namijenjenih za provođenje sportskih aktivnosti). Takođe, sačinjen je i pregled važnijih sportskih takmičenja i sportskih priredbi koje organizuju sportska udruženja sa područja naše općine.

U fazi završetka je analiza stručne osposobljenosti trenerskog kadra prema podacima dobivenim od sportskih klubova, sa postojećim stanjem i potrebnom dinamikom usavršavanja, po pribavljanju podataka od svih klubova biće finalizirana. U decembru završene su pripreme te organizovan i održan okrugli sto na temu "Sport općine Tešanj". Izloženo je trinaest referata iz raznih oblasti i kategorija sporta. Ukazano je na određene, uglavnom poznate probleme te različiti načini i viđenja prevazilaženja istih. Po okončanju izlaganja na samom Okruglom stolu imenovana je i Komisija od tri člana koja će iz zapisnika i izloženih referata predložiti i donijeti određene zaključke..

→ **Preduzimanje mjera na sumnjivim površinama III kategorije o zabrani kretanja i redukciji putem izviđanja**

→ **Podrška realizaciji aktivnosti upozorenja na mine kao sastavni dio ukupnog projekta deminiranja**

Planirane aktivnosti na godišnjem nivou obuhvatile su realizaciju dva projekta u jedan iz praktičnih razloga. Obezbjedeći su donatori za dio aktivnosti, a aktivno učešće je imala Civilna zaštita. Završeni radovi na postavljanju bilbord plakata, izvršeno trajno obilježavanje, završena edukacija ugroženih populacija (lovci, ribolovci, planinari, izviđači, učenici), održana emisija na TV Amna u kojoj su učestvovali predstavnici NVO Posavina bez mina i Službe CZ općine Tešanj. Krajem godine izvršen monitoring urađenog i konstatovano da su sve postavljene oznake na mjestu bez vidljivih oštećenja.

→ **Priznavanje i nagrađivanje mladih umjetnika i sportista i njihovih uspjeha i rezultata**

Sačinjen je detaljan plan aktivnosti podijeljen u 8 grupa aktivnosti, sa dodijeljenim vremenskim okvirima, čime je postavljen godišnji ciklus te u skladu s tim počinje i završava se u maju mjesecu jedne godine. Projekcija budžeta je bila poprilično visoka, pa smo se odlučili za pokušaj obezbjeđenja vanjskih izvora finansiranja, tako da u maju 2014. godine neće biti realizirana prva faza projekta.

→ **Uspostaviti otvoreni program/konkurs za mlade pod nazivom "Nagrada za najbolju društveno korisnu ideju/projekat"**

Sačinjen je Plan aktivnosti, usvojeni kriteriji i pravila provođenja postupka odabira najboljih ideja. Pripremljen je javni poziv i proveden postupak odabira 5 najboljih ideja, te je organizovan susret sa podnosiocima ideja koji su skromno i nagrađeni. Ideje će u narednom periodu biti realizovane na različite načine.

→ **Sajam srednjih škola i fakulteta (detaljnija i sveobuhvatnija prezentacija i promocija postojećih i dostupnih škola i smjerova)**

Projekat ima za cilj da se omogući mladim ljudima (maturantima osnovnih i srednjih škola) lakši izbor srednje škole i fakulteta i da se što više uključuju u proces obrazovanja. Sajamske načinom prezentacije, na jednom mjestu, učenici i roditelji bi prisustvovali predstavljanju svih dostupnih škola i fakulteta sa prostora cijele BiH, time bi uštedjeli vrijeme, novac, svi maturanti bi prisustvovali sajmu i ne bi se remetio nastavni proces.

Aktivnosti su započete u maju 2013. godine, a do trenutka izrade Informacije realizovan je Prvi sajam srednjih škola i fakulteta. U prošloj godini formiran je Organizacioni odbor, osmišljen cio projekat, dizajniran plakat i slogan Sajma, upućeno pozivno pismo svim školama i fakultetima, izvršena medijska promocija, te realizovan čitav niz drugih tehničkih i drugih priprema. Rezultat sajma je učešće 19 fakulteta, 6 srednjih škola i 5 organizacija koje se bave angažmanom i vremenom mladih ljudi. Sajam su posjetili svi učenici završnih razreda osnovnih i srednjih škola sa prostora općine Tešanj. Sa prilično skromnim sredstvima ostvareni su značajni društveni efekti.

→ **Razvoj socijalnih vještina kod mladih ljudi (edukacija)**

Obezbjedenjem finansijske podrške UNDP-a (iz sredstava IPA – EU) omogućena je realizacija projekata iz Strategije razvoja finansiranjem iz vanjskih izvora. Odobrena je realizacija projekta „Centar za razvoj karijere mladih“, koji je pripremila Jedinstvena organizacija mladih. U sklopu projekta integrisana je „Škola za razvoj socijalnih vještina“, koja u sebi sadrži teme: „Uvod u socijalne vještine“, „Verbalna i neverbalna komunikacija“, „Timski rad i donošenje odluka“, „Asertivnost“, „Upravljanje vremenom i stresom“ i „Upravljanje konfliktom“. Veći dio projekta je realizovan tokom godine, a projekat je nastavljen u 2014. godini.

→ **Organizovati ekološke akcije prikupljanja otpada, sa akcentom na puteve, ceste i obale te industrijske zone.**

Tokom prethodne godine identifikovane su divlje deponije na prostoru cijele općine, izvršeno čišćenje putnih pojava. Aktivnosti nastavljane u proleće 2014.; nakon zimskog čišćenja očišćen sav putni pojas od smeća i očišćeni rigoli. Poslije toga krenule su planirane aktivnosti na uklanjanju divljih deponija.

Rezime

Strateško planiranje i implementacija strateških dokumenata preduslov su ozbiljnom i organizovanom razvoju zajednice, te kao takvi nemaju alternativu. Tokom vremena razvijena je vlastita metodologija rada na principima uključenosti velikog broja aktera, uz njihov profesionalan i volonterski rad. Drugim riječima, sa najmanje finansijskih i drugih resursa, nastojalo se najviše realizovati.

Osim toga, obezbijeđeno je značajno učešće vanjskih izvora u finansiranju strateških ciljeva općine (IPA sredstva, sredstva viših nivoa vlasti putem javnih poziva, donacije međunarodnih subjekata itd.).

Vrlo važno, možda i najvažnije je da je obezbijeđen aktivan rad na realizaciji strateških dokumenata i ostvarenju vizije: Tešanj-sredina ekološke svijesti čistoće i reda. Tokom 2013. godine u realizaciji planiranih aktivnosti volonterski kao menadžeri učestvovali su: Ismar Alagić, Esmir Bašić, Hasib Alić, Hamzalija Hojkurić, Mirnes Dedukić, Sinan Roša, Hasan Alikadić, Muharem Saračević, Hasan Plančić, Enes Hundur, Emina Turalić, Edina Kadušić, Sabahudin Omerbašić, Alija Ogrić, Mensur Saletović, Almir Ramić, Aida Salkić i Armin Maglić.

Općinski načelnik

mr.sci. Suad Huskić